



Sámenuoraid dáiddadáhpáhus Roavvenjárggas cuoŋománus - temán musihkka rockis luohtái

Sámenuoraid dáiddadáhpáhus lágiduvvo guovttebeaivásaš dáhpáhusan Roavvenjárggas nuoraidbáiki Mondes guovdugávppoga cuoŋománu 7.-8. beivviid. Riikkadási Nuorra Kultuvra – dáhpáhus ii lágiduvvo dán jagi olláge, nu ahte Sámenuoraid dáiddadáhpáhus lea iehčanas dáhpáhus. Dáhpáhusii vurdojit oassálastit sámiid ruovttuguovllu buot gielddain ja maiddái eará báikkiin.

Temán musihkka

Dáhpáhusa temán lea musihkka. Loaiddasteamit sáhttet leat lávlun, juoigan (luohti, livđe, leu'dd), rock, räpp, vuoinŋalaš musihkka, instrumentála musihkka dahje minimusikálat. Loaiddasteamiid maksimaguokkodat lea **5 minuhta**.

Plakáhta

Dáhpáhusii oassálasti juohke skuvllas sávvojuvvo okta ivdnás A2-sturrosaš plakáhta, man fáddá ja ollašuttinvuohki leat friddja. Dahkkit sáhttet ieža mearridit, maid háliidit buktit ovdan iežaset skuvlla, birra dahje sápmelašvuoda birra. Plakáhtain čohkkejuvvo čájáhus dáhpáhusbáikái.

Lassidáhpáhusat

Sámi duojáriid searvi, Sámi Duodji ry, oassálastá dáhpáhusii ovdanbuktimiin ja vuovdimiin sámemusihkka, girjjiid ja dujiid. Earáge čájáhusat ja ovdanbuktimat leat boahtimin – diedihit dain maŋŋá! Lassin dáhpáhusas čájehuvvojit sámegeielat oanehisfilmmat.

Rock ja teáhter



Gaskavahku 7.4. lágiduvvo erenomáš kultureahket, mii doallá sisttistis davvisámegeielat teáhterčájáhusa Wiljamis ja SomBy konseartta Mondes. Konsearta laktása SomBy ođđa skearru almmustahttimii. Ruota Gironas guossin boahdá Giron Sámi Teáhter čájáhusain ”Ovttá guovvamánoiija” (Yhtenä helmikuun yönä).

Sámediggi lágida ovddit jagiid láhkai linnjabiilasáhtuid dáhpáhusii ja ruovttoluotta ja maiddá idjademiid Roavvenjárggas. Idjademiin ja borademiin dieđihuvvo lahkalebbos dáhpáhusa.

Almmuhemiid ja plakáhtaid galgá doaimmahit Sámedikki skuvlen- ja oahppamateriála-doaimmahakkii njukčamánu 5. beaivve rádjai. Čuovo dieđáhusaid sámedikki neahttasiiduin www.samediggi.fi , gosa bohtet sierra almmuhanskovvi ja dárkilut rávvagat. Sávvat, ahte almmuheamit dahkkojit elektrihkalaš hámis.

Dáhpáhusa lágidit Sámediggi, Lappi mánáidkulturguovddášfierpmádat ja Roavvenjárgga gávpot.

Lassidiedut:

Kaisa Tapiola

kaisa.tapiola(at)samediggi.fi

tel. 010 839 3132, 050 435 0177

www.samediggi.fi

<http://www.samiteahter.org/>

<http://www.rovaniemi.fi/suomeksi/Palveluhakemisto/Nuoret/Nuorisotilat.iw3>